

# QVÆSTIO MEDICA,

QVOD LIBETARIIS DISPUTATIONIBVS

MANE DISCVTIENDA IN SCHOLIS MEDICORVM,  
die Louis, xxv. Ianuarij,

M. SIMONE BOVLOT,  
DOCTORE MEDICO,  
Moderatore.

*An in Rheumatismo mochlica?*

**R**HEVMATISMVS corpus affligit vniuersum:  
Vitiorum humorum moles volubilis è visceribus  
velut è fontibus in reliquas partes deuoluta, morbo-  
rum genus omne ac dolorum spargit in musculosum  
genus. Hinc perpetuâ naturam pugnâ fatigat, nec prius  
quiescit quàm sedem fixerit stabilem. Infimos naturâ articu-  
los frequentiùs inuadit, quos diuis cruciatibus torquet, vel  
paraly sin ementiente pigro torpore detinet. Summa calamita-  
tas. Cum peragrato corporis ambitu, fractis veluti naturæ  
repagulis, efferus humor ruit in laxum pulmonis parenchy-  
ma, omnium penè fluxionum metam ac terminum. Le-  
uius bellum est quod geritur remotius, nec vt in ciuitate, sic  
in naturali corporis œconomiâ, potentiorum partium vis im-  
probarur, quâ se se in imbelles exonerant: grata hæc tyran-  
nis, quæ factis Naturæ penetralibus parcit, vt in ignobilem  
plebem secat. Quid autem fundit vniuersalem hanc illu-  
n iij

uiem? cerebrumne, an hepar? Illud tantæ calamitatis author: ne incuses, hoc vel citra cerebri auxilium plurimum valet. Nempe nō alius ferini huius Rheumatis fons est quàm gratiofi & alibilis humoris: vt vnde vita toti corpori impertitur, hinc & perniciēs.

**C**ONTVMAX affectus est Rheumatismus: nam & remediis obluatur, & nisi accuratè huic medeatur, in annum vel plures annos nonnunquam extenditur. Mulieribus ac viris, æquè familiaris: Iuvenes tamen quàm pueros aut senes frequentius adoritur. Illum parit committitque ferocis humoris, tenuis ac serosi, quin & crassi glutinosique ingens vtriusque copia, & maligna qualitas ab insigni putredine exorta. Augent & alunt Rheumatismum solitæ vacuationis vt menstruorum suppressio, vini meracioris potus largior, alimentorum, vt & remediorum immodicus ac intempestiuus vsus. Otium, torpor, austrina aëris constitutio, vel Aquilonia soli natura plurimum faciunt. Sic non vna esse potest illius medela, cuius vt varia ac multiplex causa est, ita & multiplex curandi ratio. Nunc reprimendus ferocientis humoris impetus, malignitas, ac putredo edomanda, infarctus tollendi, exhauriendæ venæ, ac viscera, nunc suppressa ducenda vacuatio, minuendi cibi aut immutandi, pluribus remediis interdicens, denique fugienda desidia, infestus cæli solique genius corrigendus. Vt non satis perspiciant qui cæteris omisissis auxiliis, omnem putant in vehemēti purgatione operam esse collocandam.

**P**URGANTIVM medicamentorum genus duplex est. Aliud mitius, quod blandè ac citra molestiam familiares sibi succos educit è corpore, vehementius aliud, quod magnâ vi, vel ipsa reluctante naturâ, è distantissimis parti-

bus trahit humores, mochlicum idcirco appellatum. In hoc genus referuntur scammonium, colocynthis, helleborus, & quod omnium perniciosissimum est, nec ullo morbi tempore vsurpandum, sibi iam, veneficii nomine jure notatum. Ab hac purgantium specie meritò in omni contumaci morbo, potissimum in Rheumatismo bene prudens Medicus semper abstinuerit, nec modò quæ venenata ac noxia qualitate humores (spiritusque inficiunt, vitauerit, sed & quæcunque naturam vehementius conturbant, ac sua acrimonia irritant: quippe ferocem malignumque humorem demulcere præstat, quàm exagitare, mollibusque enematis, blandis portionibus, sed imprimis multiplici ac frequenti venæ sectione, quæ omnium remediorum compendium est, humoris impetum coercere, ac malignitatem infringere, quàm valentioribus pharmacis adaugere.

**D**OLORES Rheumatismi infelicitè ac periculosè febris comitatur, feliciter nonnumquam excipit. Discussa omni crassorum humorum colluie, imminētis ac breui redituri cruciatus materiam subtrahit. Ne tamen iniquiore ductus methodo, calidioribus aut acrioribus remediis hanc accersas, vel ipso Rheumate sauiorem. Apage potentiora diuretica, quæ humores fundunt & liquant, eosque penitissimis corporis recessibus intrudunt. Nec serosam humiditatem, totum corporis habitum occupantem, tentes Hidroticorum vsu eliminare, scilicet humorum quoquo versum ruentium motum adiuuabis, & discussa tenuiori portione, crassiorem in venis ac præcordiis relinques, novos denuò & grauiores dolores parituram. Multò magis vehementia cathartica fugias, quorum vt major vis est, sic maius minantur periculum. Miserine, quibus ex tali purgatione ingeminantur & exacerbantur dolores! An miseriore, quos putrida illuuias

inflexo cursu ad interiora turpi labe inquinat, & exedendo se nsum conficit?

**L**ARGVM ventris profluuium in Rheumatismo natura nunquam molitur bonis ægri rebus, quo omnem humiditatem superfluam, vehementi totius corporis perturbatione, per aluum expurget, expellatque, cuiusmodi vel leui viscerum obstructioni nocet. Quantum verò nociturum si arte per mochlica procuretur? Certè attracta è toto corporis habitu, humorum sarcina hepar obruet, viscerum feruorem ac infarctum adaugebit. Quid si accedat venenatus ac pestilens è stibio halitus? Nimirum interanea exedet ac liquabit, ipsisque visceribus labem inuret altiùs, nullis ferè remediis delendam. Heu quàm saepe atroces Rheumatismi cruciatus officiosè nimis ac crudeliter propinatum mochlicum atrociori morte commutauit! Longè felicius, si turgeat materia, leui cathartico veluti manu educitur, non temerè ramenten vsurpando. Sin crasso phlegmate corpus scateat, multo minus vehemens catharticum indicat humor crudus, tenui victu, alterantiũ vsu prius preparandus, ac concoquendus.

*Non ergo in Rheumatismo mochlica.*

Proponebat Lutetia N. BLANCHET, Parisinus, A. R. S. H. 1646.

## DOMINI DOCTORES DISPUTAVRI

M. Guillelmus Petie.

M. Ioannes le Preost.

M. Nicolaus Crespon.

M. Ioannes Confon.

M. Rolandus Merlet.

M. Stephanus le Gagneur.

M. Sebastiano Rainsanz.

M. Petrus Guisardus.

M. Nicolaus Brayer.

## PARISIIS,

Prostant Exemplaria apud NICOLAVM BOISSET, Typographum, in  
vico Diui Ioannis Bellouacensis, è regione Col egij, ad insigne  
Cordis Vulnérati. M. DC. LIII.

*cette 44e est la 953e du tome VI  
du veuil in folio.*